



Kim Kielsen, Inatsisartuni ilaasortaq, Siumut
/-Maani

Naatsorsuutit pijuartitsinissamut attuumassutillit pillugit § 37 naapertorlugu apeqqummut nr. 2012-159-imut akissuteqaat

28. august 2012
Sagsnr. 2012-068823
Dok. Nr. 999588

Asasara Kim Kielsen

Postboks 909
3900 Nuuk

Apeqqutitit, matuma kinguliani ataasiakkaarlugit akineqartut pillugit qujanaq.

Tlf. (+299) 34 50 00

Fax (+299) 34 54 10

E-mail: iaan@nanoq.gl

www.nanoq.gl

- 1. Ulloq 1. januar 2011-mi interneti atorlugu nukissaminik atuinermik naatsorsuutunik "Naatsorsuutunik pijuartitsinissamut attuumassutillinnik" taaneqartunik atulersitsinerup kingorna Naalakkersuisut manna tikillugu misilittakkanik sunik pissarsippat?**

Ullumikkut nukissiuuteqarnermut naatsorsuusiortarnermut imaluunniit pijuartitsinissamut attuumassuteqartunik naatsorsuusiortarnermut aaqjissuussinernik soqanngilaq.

2008-miit 2010-mut *nukissiuuteqarnermut naatsorsuusiortarnermut* aaqjissuussinernik atuutsitsilernissaq sulissutigineqarpoq. Tamatuma kingunerisaanik nukissiuuteqarnermut naatsorsuutunik, piumassutsiminnik peqataasunut, ilaatigut Mittarfearfinnut, innaallagissamik atuinermut il.il. paasissutissanik piniartoqarpoq. Aaqjissuussinerup 2011-mi aallartinneqarnissaa taamanikkut siunertarineqarpoq. Web-ikkut nukissiuuteqarnermut naatsorsuusiortarnissaq atorlugu aaqjiissutissaq malitassiaasoq, tamatumunnga atatillugu misissorneqarpoq.

Suliaq ajoraluartumik 2010-mili uninngasimavoq. Inuit pingaernerit suliassamik suliaqartuusut Naalakkersuisoqarfimmi atorfirminnit tunuarnerat tamatumunnga pissutaavoq. Tamatuma kingorna ingerlatsineri inatsisinillu tunngaveqartumik suliassat ingerlaavartut tulleriiaarneqartariaqarnerisa kingunerisaanik suliassaq ingerlanneqarsimangilaq. Aamma suliassap aaqjissuussaannikkut naleqquttumut inissinniarneqarnerata ajornartorsiutaanera aaqjissuussinerup ingerlatsinermut ilanngunneqarnissaa unammillertitsisimavoq.

Eqqortumik pinissaq eqqarsaatigalugu erseqqissaatigineqassaaq, *pijuartitsinissamut attuumassuteqartunik naatsorsuusiortarnerup* atuutsinneqalernissaa misilinneqarsimangimmat. Naatsorsuutit pijuartitsinissamut attuumassuteqartut naatsorsuutitut assigiinngitsunut arlalinnut tunngasuupput, avatangiisinut mingutsitsinermut naatsorsuusiortarnermut aammalu suliffeqarfimmi aaqjissuussaannermiluunniit ataatsimi isumalluutunik atuinermut tunngasuullutik. Tassalu naatsorsuutit pijuartitsinissamut attuumassutillit arlalinnik paasissutissartaqartussaapput, soorlu: ikummatissamik atuineq, eqqagassat

amerlassusiat aamma eqqagassat suuneri (eqqagassat toqunartullit imaluunniit ulorianartut) il.il. *Nukissiuuteqarnermut naatsorsuutit* innaallagissamik, imermik kiassarnermillu atuineranut tunngasuupput, aammalu naatsorsuutini piujuartitsinissamat attuumassuteqartuni immikkoortut ilaattut immikkoorutilittut isigineqarsinnaallutik.

2. Naatsorsuutit piujuartitsinissamat attuumassutillit atorneqarnerisa siuarsarnissaat siunertaralugu misilittakkat qanoq annertutigisumik aaqqissuussaasumik katersorneqarpat?

Inussiarnersumik matuma siuliani akissutigineqartoq innersuunneqarpoq. Aaqqissuussinermi taamaattumi misilittakkanik tullerriaartunik katersuisoqanngilaq.

3. Naatsorsuutit piujuartitsinissamat attuumassutillit qanoq annertutigisumik pisortatut oqartussaasuni, suliffinni suliffeqarfissuarnilu Naalackersuisut atuutilersikkusuppaat?

Inussiarnersumik matuma siuliani apeqqut 1-imut akissutigineqartoq innersuussutigaa.

4. Namminersorlutik Oqartussanik suliffeqarfissuit pigineqartut "naatsorsuutit piujuartitsinissamat attuumassutilinnik" atuilernissartik allaffissornikkut atortorissaarutigullu naammassisinnaagaat Naalackersuisut isumaqarpat?

Suliffeqarfiit Namminersorlutik Oqartussanik pigineqartut angissusiat suliaasalu suussusiat eqqarsaatigalugu assigiinngisitaartorpassuupput.

Namminersorlutik Oqartussanut suliffeqarfinnullu pineqartunut naatsorsuutini piujuartitsinissamat attuumassuteqartunik atuutsitsilernissaq allaffissornermi teknikkikkullu suliassat eqqarsaatigalugit ajornakusoortorujussuusussaavoq. Suliffeqarfinni assigiinngissutsit pissutaallutik suliassaq ajornarnerulersinneqartussaavoq. Tamanna pissutigalugu suliassanut taama assigiinngitsigisunut ataatsimut atorneqarsinnaasunik, tamatumalu peqatigisaanik nukissiuuteqarnermi pisariillisaanissaq il.il. eqqarsaatigalugu atorsinnaassutsimut tunngaviliisinaassuseqarluartunik piujuartitsinissamat attuumassutilinnik naatsorsuusiornissaq ajornakusoortussaavoq.

5. Manna tikillugu aalajangerneqarsimasumit annertunerusumik naatsorsuutit piujuartitsinissamat attuumassutillit atornissaat Naalackersuisut takorloorpaat?

Nukissiuutini atuinerup annikillinissaa Naalackersuisut anguniagaraat, aammalu nukissiuutini pisariillisaanissaq siunnerfigalugu. Siunissaq eqqarsaatigalugu nukissiuuteqarnermut naatsorsuutit tamatumunnga sakkussatut tulluussinnaapput.

Ullumikkut uuttortaait ungasianiit atuarneqarsinnaasut tamakkiisumik atuutsinneqalersimapput. Uuttuutit ungasianiit atuarneqarsinnaasut aamma pisortat sullissiviisa, suliffeqarfiit atuisullu allat innaallagissamik atuinerminnut ingerlaavartumik, aammalu amerlasuut kissamik imermillu atuineranut malinnaanissaannut annertunerusumik periarfissiippat.

Atuisut nukissiuutiniq atuinerminni sipaagaqarnissaq namminneerlutik soqutigisaraat, aammalu isumaqarpunga suliffeqarfiit innaallagissamik ikummatissamillu atuinerminnut aningaasartuutiniq appasitsiniarlutik pitsanngorsaanissaq annertuumik aallukkaat malunnartoq.

Neriuppunga akissutikka naammagisimassagiti.

Inussiarnersumik inuulluaqqusillunga

Jens B. Frederiksen